

گونش آذربایجاندا ساچیلیر - ۴

دانشیق متنی

م. کریمی

۱۴۰۱/۰۵/۱

تاریخیمیز حقیقت لر اوجاغیندا

آذربایجان اودلار یوردودور. مین ایللر بویو تورکلر بورادا یاشاییب، اسکی مدنیتلر قوروب و عئینی حالدا بیر چوخلو قبیله لر - طایفالار بورایا گلیب کئچمیشلر. بو گلیب - کئچمه لر دن گاهدان اؤزلریندن ایزلر ده بوراخمیشلار. آذربایجان مدنیتی بو ایزلردن یاخشی و مثبت اولانلاری ساخلاییب و اؤز یئرلی اویقلارلیقلارینا آرتیرمیشدیر.

سؤزه باشلامادان بونو دئمه لی یم: بوگونلر دونیادا و ایراندا ده ییشیک لیکلر چوخ یئیین و سورعتله ایره لی گئدیر. دایانساق گئری قالا جاییق. گؤرورسونوز اورمو دریاچه میز قورور، ایران اؤز باغلیلیغینی روسیایا گؤسته ریر، باهالیق خالقیمیزی جانا گتیریر؛ آنجاق دولت تکجه چادیرانی باهانا ائده رک خالق ییری - بیرینین جانینا سالیر. بیز هر بیر دورومدا دایانماغیمیزی ایسترسک، بیر سیرا اصللری رعایت ائتمه لی ییک. تحلیل وئرمکدن اول هئج بیر تصمیم دوز اولابیلمز. بو تحلیل ده علمی اوصول اوزه رینده دایانمالی دیر. آنجاق بیز آذربایجان تورکلری اؤز اوصوللاریمیز و محکم بیر بینوره اوستونده یاشاییریق. وارلیغیمیز بو بینوره اوزه رینده دایانیر: دیلیمیز، تاریخیمیز، ادبیاتیمیز، توپراقلاریمیز - جوغرافیامیز، اقتصادیمیز و کولتوروموزدور. بونلاری منیمسه دیکده منلیگیمیزی تانییب، وارلیغیمیزدان مودافیعه ائدیب و گوندم مساله لره توخونابیلهریک. آنجاق بوگون خالقیمیز تکجه شعارلا اوره یی خوش اولمامالی دیر، بلکه هر بیر تهمت، تحریف و یالان قارشیندا علمه دایاناراق حقیقت لری اوزه چکیب، حاققیمیزی آلمالی ییق. بو اوتاقلار بونا گوره قورولور و بیزلر گوندم مساله لره اعتناسیز دئییلیک، بلکه دوزگون توخونماق طرفداری اولاراق چالیشیریق.

بوگون تاریخیمیزین درینلیکلرینی قونو سئچیب و چالیشیرام حقیقت لری آچیقلاپام.

تاریخیمیز تحریف اولموش، بو تاریخ چوخلو استعمار الی - ماسونلار طرفیندن و اونلارین قوجاغیندا تربیه اولموش ساتقین و اویدورولموش آداملار طرفیندن یازیلیمیشدیر. بوگون گرکدیر کی تاریخیمیزی بو تحریفلردن سیلیب آریلاشدیراق. تاریخی بیر چیراغ ائدیب گله جه یی ایشیقلا ندیراق. استعمار - انگلیس باشدان اولاراق ۱۰۰ ایل اؤنجه، په لوی رژیمی ایش اوسته گتیردی بلکه اونون امریه لرینی اجرا ی قویسون. ایلک اؤنجه تاریخی فارس لارین نفعینه یازماق ایدی. اونلار بیر نژاد یاراتماق ایدی. باخین ویکتور مالت صراحتله یازیر: بیز فارس لارا اوروپا ملت لرینه قاریش دیر مارمالی ییق. بئله دئمه لی ییک اونلار (فارس لار) اوروپا ایله بیر سوی دان دیرلار. وین قورولتایی نین قایدالارینا گوره بئله گؤسترمه لی ییک اونلار آریایی نژاد دیرلار. ماکس مولر (۱۸۲۳ - ۱۹۰۰م)

آریایی سویونون نظریه پردازی یازیر: واقعیت بودور کی ایراندا آریایی آدیندا بیر قوم یوخوموش و یوخدور. چون تاریخ بویو هئچ بیر سندده – قاجار دؤورونه قدر آریا ادلی بیر قوم و سولالهدن آد چکیلمه ییبیدیر.

چکیجی نوکته ده بودور کی یازیر: "ایران دئدیگده بیر تورکجه سؤزجوکدور. معناسی کوچ یئری، گئیش و چاتیش یئری". بیز ده ایران آدی نین "ایرمک" فعلیندن گلمه سینه اینانیریق.

ایرانشهری و ساسانیلاری ایرانشهری آدلاندیرماق دا ریچارد نلسون فرای طرفیندن گوجلهنیبیدیر.

ارانسکی صراحتله یازیر: مجموع مدارک تاریخی و فرهنگی و زبانی بدست آمده از فلات ایران حاکی از آنست که زبان ساکنان اصلی و بومی سرزمین ایران نه به گروه آریایی مربوط است و نه به زبانهای هندو اروپایی. (ا. م. ارانسکی، مقدمه فقه اللغة ایرانی، ترجمه کریم کشاورز، انتشارات پیام، ص ۴۴). بوگونه کیمی ده آریایا اینانانلار هله ده بو موهوم آریا قومونون یوردونو – حد و مرزینی تعیین ائده بیلمه میشلر. (اسماعیل هادی، حاشیه بر زبانشناسی، ص ۱۴).

اصلینده ده بو مالیخولیایی فیکیرلر چوخلاری نین فیکیرینی داغیدیب، اصلینده ۱۷۸۷ ایلینده سر ویلیان جونر سانسکریت یونان، لاتین و آلمان دیللی نین بنزریگیندن بورایا چاتیر کی بیر اورتاق کؤکلری اولمالی دیر. ۱۸۱۳ ایلینده توماس یونگ بو دیللی هندو اوروپایی آدلاندیردی. ۱۸۶۱ جی ایلده ماکس مولر بو دیلدرده دانیشانلاری آریایی آدلاندیردی. مساله بودور. آما آریایا اینانانلار اؤزلرینی داها آرتیق ایتیردیلر. ذوقا گلیب بو تئورونو اوزالتدیلار. جعلیات چوخالیدی. و بیر سیرا عالیملر او جومله دن: ج. س. کنوک، دی. اس. برایتون، گوردون چاپلند، اف. جو هنسن، پیتر جیلز، آرتور دو گوینو و باشقالاری ائله افسانه لر دوزلتدیلر کی اؤزلرینی ده گولمه سی گلیر. گوینو نژاد برتر – "اوستون سوی" تئوروسونو دا یاراتدی. او ۱۹۱۶ جی ایلده "پایه های قرن بیستم" کتابینی یازاراق نژاد مساله سینی اورتایا قویدو و نژادپرستی فیکیرلری یاراندی. او چالیشدی دنیا و تاریخین ان بؤیوک بیلگین لری و صنعتکارلارینی بو نژادا باغلا یاراق بیر حرکت یاراتسین. او جومله دن اسکندر، لئونارد داوینچی، گالیه، ولتر، لاوازیه، و اونلار جا باشقالارینی بو لیسته آرتیردی. آلمانلیلاری شیشیردیب و هیتلر کیمی جنایتکارلاری بشریتین جانینا سالدی. ایراندا دا رضاشاه اؤزونو ائله ایتیردی کی کرمانی همان ژرمن بیلهرک ذوقدان بیلمه دیلر نئیله سینلر.

تکجه تاریخی تحریف ائتمگه کیفایتلنمه دیلر، بلکه اؤزلرینه تاریخ یاراتماق و جعل ائتمه یی ده باشلادیلار. پارس، فارس، فرس، پرس، پرسیا و پرشیا آدلاری وارکن آریا ادلی بیر عنوان یوخدور. آما یدزلرجه کتاب و مقاله لر یازیلدی بلکه ملتین بئینینی جعلیاتلا دولدوروب اونلاری اوستون بیر سوی بیلسینلر. فارسی باستان آدلانان دیلی هیچ کیم بیلمه ییر. بو دکتور خانلری نین سؤزودور (تاریخ زبان فارسی، ص ۲۰۳). ذبیح اله صفا دا بو سؤزو تائید ائدیر: ("تاریخ زبان و لهجه های ایرانی"، ۱۳۵۵، ص ۱۱).

تاریخی یازانلار عبارتدیرلر بونلاردان:

فرای، پوپ، کریستن سن، اشمیت، آستروناخ، کخ، گیرشمن و... فردیناندو یوستی "اساس فقه الفه ایرانی" کتابینی یازیر و ایرانشهری تئزینی اورتایا آتیر. برای ۵۵ ایل ایراندا قالیر و سیا جاسوسو اولدوغو بلله نیر: (سایت اطلاع رسانی دانا، ۱۳۹۳/۰۱/۲۱) (سایت دیده بان و روزنامه های فروردین ۱۳۹۳ و اؤزلیکله کیهان روزنامه-سی)

بونلارین هامیسی هویتسیزلیگه اشاره ائدیرلر.

سایت اطلاع رسانی دانا یازیر: (مُبدع مکتب ایران، مورخ یهودی "ریچارد فرای" است). وزارت اطلاعات دا هویت کتابینی یاییر و اونون ماهیتینی آچیقلایر.

کیهان روزنامه‌سی ایران اطلاعات وزارتینه آرخالاناراق یازیر: "ناگفته نماند که فرای از اعضای هیات مشاوران بنیاد مطالعات ایران وابسته به اشرف پهلوی بوده است. نوشته اصلی فرای در باره ساسانیان است و تئوری ایرانشهری نیز ساخته و پرداخته ی او و همکارانش می باشد..." (کیهان، فروردین ۱۳۹۳).

ایندی گلدیک اؤز آذربایجانیمیزین تاریخینه:

آذربایجان یئر کوره سی نین تاریخی باخیمیندان انسانلارین یاشایش یئری اولموشدور. تاریخ گؤسته ریر کی آریایی لار بو توپراقلارا گلنده دن ۳۰۰۰ ایل اول، آذربایجاندا مدنیت واریدی و حکومت لر یارادا بیلیمیشلر. هورری لر، آراتتی لر، گوتتی لر، اورارتولار، ماننلار و... بوگونکو آذربایجان تورکلری نین اجدادی بورادا یاشایب یاراتمیشلار و بونلارا مهاجر، مهاجم دئمک اولماز. بونو دا آرتیریم کی رضاشاه دؤوروندن محمود افشار و ایرج افشار چالیشیرلار تورکلرین کؤکونو ایراندا قازسینلار. ایرج اوتانمایارق بئله یول گؤسته ریر: "در کتاب های درسی باید ترک ها و سلسله های ترک را وحشی، بیگانه، مهاجم و اشغالگر نامید؛ حتی میراث های باستانی مرتبط به این قوم را به نحوی نابود کرد". (آذربایجان و زبان آن، ۳۱۲). زبان فارسی در آذربایجان، نشر بنیاد موقوفات دکتر محمود افشار، دو جلدی، چاپ دوم، ۱۳۹۷.

تاریخیمیز:

بوتون علمی قاینقلار او جومله دن یئر قازینتی لاریندان الده ائدیلن ملزمه لر ثابت ائدیر آذربایجان یئر کوره سی نین ایلک اوجاقلاریندان و انسانلارین یاشایش یئری اولموشدور. ۳۰۰ مین ایل و حتا ۵۰۰ مین ایل بوندان اؤنجه بورادا ایلک انسانلار یاشاییرمیشلار. ۱۹۶۸ جی ایلده آزیق ماغاراسی کشف اولدو، اوندا آزیغ آنتروپ یا آذربایجان آدامی تانیندی. تاغلار، دامجیلی، داش سالاحلی ماغارالاریلا برابر آرازین بو تاینیدا اورمو دریاچه سی قییلاریندا دا او جومله دن قازما، بوزیئری و باشقا یئرلرده انسان حیاتی نین نشانه لری بللی اولدو. بورالردان الده ائدیلم آلت و یاراقلار قوروچای مدنیت و اویقالیقلارینی تثبیت ائتدی.

پالئولیت، نتولیت و مزولیت دؤوره لرینه عایید مدینتترین نشانه لری بوگون الده دیر. دکتر اشرافیان بناب ۱۸ ایل آمریکا اسکی انسانلارین DNA لرینی تست ائده رک ایراندا آریا دی ان ای ی تاپمامیشدیر. بو دوروم بوگون یوزده ایکی فایزدان دا آزدیر.

سونرا قوبوستان، حاجی فیروز، یانیق تپه ی تبریز، یانیق تپه ی سولدوز نئولیت دؤوره سینه ۸۰۰۰ ایل قاباغا عایید دیر و گؤسته ریر بو دؤوره ده اکینچیلیک، مال – داوار ساخلاماق، پالچیقدا ائم یاماق، دولوسچولوق (سفال دوزلمه) یایغیندیر. کول تپه، قارغالار، الی کؤمک، چالاغا تپه، ایلان تپه ده مس و گوموش اریتمه دیرلی ایشلردن سایلییر. اکین یئرلری اینک و جوت سورمکله حاضیرلانیر. ۴ – ۵ مین ایل میلاددان اؤنجه بورادا ۲۰ – ۳۰ کیشیلیک قبیله لر موجوددور. بو توپولوملار مدنیت صاحیبی دیرلر. آرالاریندا آلیش – وئریش بیر سیرا قایدا – قانونلارلا حاکیم دیر.

آنجا تاریخده ایلك یوکسک تانینان مدنیت سومرلره عاییددیر. سومرلر قافقاز و آذربایجان یولو ایله ایکی چای آراسینا گئتمیش و اؤز مدنیت لرینی قورموشلار.

بیلیریک سومرلر بیرینجی توپلومسال یاسالارین یازانلار دیرلر، اونلار خطی اختراع ائتمیشلر، هر بیر گونو ۲۴ ساعات و هر ساعتی ۶۰ دقیقه یه بؤلوموشلر، دایره نی ۳۶۰ درجه یه بؤلوموشلر. حتا بیر سیرا فلزلی سومرلر مشف ائدیپ الده ائتمیشلر و اونلاری اریدیپ یاراقلار دوزلمیشلر.

سومریان مبدع نخستین قوانین اجتماعی بودند، خط را اختراع کردند، روز را به ۲۴ ساعت تقسیم کردند، هر ساعت را به ۶۰ دقیقه آنها تقسیم کردند، دایره را به ۳۶۰ درجه تقسیم کردند. کشف برخی فلزات بدانان منسوب است.

اونلار جا عالیم هنری راولینسون، یول توپرات، لئو فترمنت، آندره یاس، ساموئل کریم و باشقالاری سومر خطی نین سیرلرینی آچیقلامیش و اوخوموشلار. نهایت سومر دیلینی التصاقی بیله رک بوگون بیزیم تورک دیلی نین سلفی اولدوغونو اثبات ائتمیشلر. پروفیسور عثمان ندیم تونا ۴۲ ایل سومر دیلیله تورک دیلی اوزه رینده چالیشیب و ۱۶۵ سؤزجویون بنزریک لرینی آچیقلامیش، سونرا بو سؤزجوکلرین ساییسینی ۳۶۰ دانایا چاتدیرمیش و چکیجی نوکته بوراسی دیر کی ۲۰۱۹ ایلینده فیلادلفیا اونیورسیتته سی فرهنگ لغت سومرینی حاضیرلایراق سومر و تورک دیلی نی بیر کؤکلو ساییر.

تاریخ گؤسته ریر کی سومرلرین آشورلارین یوروشویله اوز اوزه گلدیکده، بیر سیراسی گلدیکلری یولونان – آذربایجانا دؤنورلر، بیر سیراسی آشور ایچینده قالب حل اولور و بیر سیراسی دا زاگرس داغلاریندان آشراق ایران فلاتینا آخیرلار. سومرلرین یئرینده مدنیتی داوام ائدن ایلاملارین دا دیلی التصاقی اولموش، اونلار بوگونکو خلیجه قدر اوزانان و مدنیت یارادان انسانلارین یازیلاری بوگون الده دیر و بیز بوگون اؤز دیلیمیزده همان سؤزجوکلری، قایدا – قانونلاری: قورولوشلاری ایشه آپاریریق. بوگون ایلام یازیلاری و خطلری ایراندا موجود اولراق تورک دیلیله ان یاخین ایلگیلری آیدین دیر. اما آذربایجانا دؤن انسانلار بورادا هورری و گوتتی مدنیت لرینی یارادیب، حکومت لرینی قوردولار. میلادان قاباق ۲۳۵۰ دن ۲۱۵۰ ایللری آراسیندا حکومت سورن هورری لرین دیلی ده التصاقی اولموش، هورری لردن قالان سندلر – یازی لوحه لری آذربایجانین بوگونکو خالقلا ایلگیسینی گؤسته ریر. اونلار آلیش – وئریشلرینده تاوار – داوار ایله آلیب – ساتیردیلار و بوگونکو پول

یئرینه ایشله دیردیلر. بوگون آذربایجاندا بیر چوخلو یئر آدلاری هورری لردن قالان آدلار کیمی تانینیر او جومله دن: هورات، هوراند، هوری بره، هووای، هوای دره و . . . اونلار آت تربیه سینده مهارتلی اولموش و بیر سیرا آلت لر ده اونلاردان بیزیم موزه لریمیزده قالیر. او جومله دن تیکیش آلت لری، اکین آلت لری و دمیرچیلیک آلت لری.

گوتتی لردن داها آرتیق سندلر الدهه واردیر. باشقا دیلرده اولان سندلردن علاوه الدهه ائدیلن یازیلار: باسدام (بسطام)، ورزقان، خسروشاه، داش تپه (قوشاچای)، کیلی شین ده داش یازیلار میلاددان ۳۰۰۰ ایل قابعا عایدیدیر. بو زمان هله آریاییلار ایرانا گلمه میشلر.

آرنولد توین بی و ویل دورانت تاریخ تمدن اثرلرینده گوتتی لرین دیلرینی التصاقی بیلیرلر. یئنه گؤزل بیر نوکته یه ده اشاره ائدیرلر و او دا دموکراسی نین ایلکین آددیملارین اولدوغونو وورغولاییرلار.

اورارتولار

اورارتولارین دا دیلیری التصاقی دیر. اونلاردان چوخلو داش یازیلاری بوگون ده آذربایجاندا موجوددور. ۸ داش یازیمی بوگون آذربایجاندا اوخونوب و دیلیمیزین سلفی اولدوغو بللی ساییلیر. سونرا ساکالارا چاتیریق. ساکالار دا دونیانین اسکی قبيله لریندن ساییلاراق چین، اوروپا آراشدیرماجیلاری درین و دوزگون معلومات الدهه ائتمیش لر او جومله دن گراناجی، مینز، آلبرت هرمان، کرچمر، نیبهود و باشقالارینا اشاره ائتمک اولار.

ماننلاردان قالان داش یازی بوگون بریتانیا موزه سینده ساخلانیلیر. بو داش یازی دکتور منصور رهبری طرفیندن - غیرتورک بیر عالیم - اوخونوب و اونون تورکجه ایله یاخین ایلگیسیندن مودافیعه ائدیر و التصاقی اولدوغو اثبات ائدیلیمیشدیر. بوگون ماننلاردان قالان آبیده لر تخت سلیماندا قصرلریندن بیر فونداسیون موجوددور و تابلوسو دا بللی دیر. مانیشان شهری - البته بوگون اونو ماهنشان آدلاییرلار - ماننلاردان قالان بیر یادگار دیر.

بورایا قدر آرتیرماق لازیمدیر کی تورک مدنیت لرینده ، تمام آراشدیرماجیلارین نظرینده ، بیر ابتدایی دموکراسی دا موجوددور. باشقا سؤزله دئسم بدگون فدراتیو آدلانان سیاسی بیر سیستم آذربایجاندا موجود ایدی. اؤلکه نئچه بؤلگه یه بؤلونوب و هر بؤلگه بیر شانکو آدلانان حاکیم طرفیندن اداره اولورموش. مثلا همین ماننلاری نظرده توتاراق اونلارین حاکمیتی آلتیندا ۴ شانکو یاشاییردی: قیزیلبوندا، قافلانتی، اندنیا، زیگرتو. درین باخدیقا بو آدلار بوگونوموزه قدر بالاجا بیر ده بیشیکلیکلره قالیر. قیزیل بوندا همان قیزیل اؤزن حوزه سیدیر؛ قافلانتی بوگون قافلانتی داغلاری نین فلاتی ساییلیر. اندنیا بوگونکو طاریم حوزه سی دیر و زیگرتو زنگان - اردبیل، همدان ماحاللارینیا قدر احتوا ائدیر.

مادلا ۶۷۸ ایل میلاددان اؤنجه ۶ قبیله اولاراق بو توپراقلارا گلمیشلر و ۵۴۹ ایل میلاددان قاباغا کیمی حکومت ائتمیشلر. بو ۶ قبیله عبارتدیر بونلاردان: بوسای لار، پارتاکان، آریزانت، بودی، موغ و استروقات. ماد تانیان عالیم لر او جومله دن دیاکونوف بو ۶ قبیله نین ان آزی ایکیسینی التصاقی دیللی بیلیرلر.

آما هخامنشترین گلمه سی سانکی بیر سیرالار اوچون تاریخده بیر دؤنوش نقطه سی سایلیر. ایش اورایا چاتیر کی اؤز لرینی اثبات ائتمک اوچون ۳۰۰۰ ایل اؤنجه نی اونوماغا چالیشیرلار. آنجاق بونو بیلمه لی ییک کی آذربایجان بو گلیشمه - یا هر هانکی بیر اصطلاح ایشه آپاریلیرسا - اوزاقدیر. آذربایجان اونلارین سیطره سی آلتینا گیرمه ییر، گیردیکده ده اؤز استقلالینی ساخلا ییر. تاریخی قاینالارین هامیسی بو مساله یه اشاره ائتدیرلر. آنجاق ۱۰۰ ایلدیر افسانه دوزلتمکله، یالانلاری توپلاماقلا و اونا امنیتی بیر حاشیه یاراتماقلا زور - سیاست و گونوموزون امکانلاریندان بهره آلاق - مدرسه لر، رادیو تلویزیون، مطبوعات، اینترنت - محروم ساخانیلان خالقلار بئله آندیریلیر کی فارس قومو اساس بیر قوم اولاراق، فارس لاردان باشقا سی بورادا اولمامیش و قالان ملت لر هامیسی سونلاردان گلمه دیرلر. اؤز لیکله تامام چابالارینی تورک عنصورلاری نین اوستونه قویموشلار. ایرح افشار یازیر: "در کتاب های درسی باید ترک ها و سلسله های ترک را وحشی، بیگانه، مهاجم و اشغالگر نامید؛ حتی میراث های باستانی مرتبط به این قوم را به نحوی نابود کرد". (زبان فارسی در آذربایجان، نشر بنیاد موقوفات دکتر محمود افشار، دو جلدی، چاپ دوم، ۱۳۹۷، ص ۳۱۲).

بلی بونلار چالیشیرلار بیز تورکلری مهاجم، مهاجر و وحشی گوستر سینلر؟! داها بسدیر. ملتیمیز بونو بیلیر، داها سیزلره آلدانمایا جاقدیر. بو درسلیک کتابلارین هئچ اعتباری یوخ. تاسوف ائدیریک کی اسلامی جمهوروسو دا بو سیاستلره ایره لی گئدیر. بونا گؤره بیز دئییریک: دیلیمیز رسمی اولمالی دیر. تاریخیمیزی اؤزوموز یلزمالی ییق و ایران تاریخینی بو یانلیش یازیلاردان سیلمه لی ییک.

بونلار کوروش یاراتدیلا، خشایارشا یاراتدیلا. بس نییه شاهنامه ده بونلاردان آد چکیلمه میشدیر؟ البته صباح - بیری گون شاهنامه یه بونلاری دا آرتیرارلار. بو بئینی نژادپرستیه دولان آداملار، شاهنامه نی بئله غلط معلوماتلارلا دا دولدورولار. شاهنامه یه همان محمدعلی فروغی رهبرلیگیله ۴۵۰۰ بیت آرتیریب بلکه اونو بیر حکیم کیمی تقدیم ائتسینلر. ایرانشهری تئوروسونون اساس ارکانلاریندان بیری ده شاهنامه دیر. بو قدر خُزعبلاتلا. افسانه لرله. فیکر ائدیرلر شاهنامه تاریخ دیر، فلسفه دیر. البته بیز اونون اؤز نملی اولدوغونو دانمایریق، بونو دا آرتی ریریق کی تورکجه شاهنامه لر ده اولموش و بورادا بیزیم قهرمانلاریمیز دا یاشاییر: آلپ ارتونقا، تومروس، ماناس، دده قورقود آلپ لاری.

آما بونلار کوروشا پاسارگاددا قبیر تاپیرلار. تاریخ معلوماتی لا هئچ اویغون دئییلدیر. اونا منشور حقوق بشر تاپیرلار. بوگون بونلارین هامیسی افشا اولوب و یالان اولدوقلاری بللی اولموشدور.

عبدالمجید ارفعی، شاهرخ رزمجو و دکتر غیاث آبادی انجام گرفته نشان می دهد که ربطی به حقوق بشر و یا اغم بردگی، و بسیاری از این مسایل وجود ندارد بلکه مربوط به مردوک رهبر روحانی و همچنین قرارداد اقتصادی بیشتر نیست و باز هم عرض می کنم متن منشور نشانی از مواد حقوق بشری ندارد.

اشکانلار و سونرا ساسانیلاردان دانیشماییرام، سؤز اوزانماسین، اسلام ظهوروندان اؤنجه آذربایجانا قدر اوزانان گؤگ تورک امپریاسی حکومت سورور و اونون باتی بؤلگه سی آذربایجانان ایستمی خاقان دیر. البته گؤگ

تورکلر شرقده یاشایاراق ۲۲۰ ایل میلاددان اؤنجه دن حکومتلرینی قورموشلار؛ اما ۵۲۰ میلاددان سونرا آذربایجانا گلیرلر. ساسانی حکومتی گوگ تورکلرین باج وئر وئر نی اولموشدور. ساسانی شاهلاری او جومله دن بهرام گور، قوباد، هرمز و حتا خسرو پرویز ساسانی خاندانی آراسیندا دعوا دوشنده آذربایجانا پناه گتیریرلر. چونکی آذربایجان ساسانی سیطره سی آلتیندا اولمامیشدیر.

ابرهارد، اتتوفرانکه، هیرت، جاوانتس و باشقالاری بو باره ده آراشدیرمالار آپارمیشلار. گوگ تورکلرین خطی ۲۵۰۰ ایلیک بیر تاریخه مالیک اولاراق، بوگون بو خطده یازیلان داش یازیلار ایرانین باشا باشیندا – آنادونلویا قدر اوزانان توپراقلاردا موجوددور. دده قورقود کتابی دا بو زامانلار یازیلماسی نظریه سی واردیر.

گوگ تورکلر حل اولاراق خزرلر اونلارین یئرینی آلیر. خزر امپریاسیندا ۲۶ قبيله دن عبارت کونفدراسیون موجودور و بورادا یاشایان تورکلر عبارتدیرلر: اوغوزلار، قیپچاقلار، ساییرلر، قارلوقلار،

آلتون گوگ بونا اینانیر: همان هونهای سفید آدلانانلار – آغ اوزلر : اوغوزلار اولموشلار. اوغوزلار آذربایجاندا یئرلی اولاراق سونرالار سلجوقلار دا اونلارا قاتیلیب و آذربایجاندا چوخلو قازانمیشلار. اونلارین یوردلاری اردبیلدن موصل و بغدادا قدر اوزانیر.

آرتامونوف، دولنوا، زایاچوفسکی، دانولوپ، رنه گروسه و آرتور کستلر و باشقالاری خزرلر حاققیندا درین و دوزگون معلوماتلار الده ائتمیش و پایلاشمیشلار، آنجاق لیو قومیلوو تاتار بیلگینی بو ساحه ده داها درین و زنگین معلومات الده ائده رک اونلاردان قالان عابیده لری ده کشف ائتمیشدیر. قیومیلوو کشف خزرستان کتابی خزرلر حاققیندا سونونجو معلوماتی وئریر. خزرلردن آذربایجاندا اوچ بؤیوک اثر قالمادادیر: نوم بیتیک، شان قیزی و خزرلر لوحه سی.


خزرلر زامانیندا دین آزادلیغی واریدی. مسلمان، مسیحی و یهودی عالیملری خاقان ساراییندا دینی مباحثه لر آپاریب و نهایتده خاقانلاری یهود دینینی قبول ائتمیشلر. مسلمان فقیه لرین آدی تاریخده بئله گلیمیشدیر: نوح ابن سائب الاسدی، عبدالرحمت خولاقی و ابن اعثم کوفی. سونونجو عالیمی بلعمی تاریخی تانیتدیرمیشدیر.

خزرلر امپریاسی توپراقلاریندا مچید، کلیسا و کنیسه بیری بیری نین یانیندا قورولموشدور و هامی آزادلیقلا اؤز عبادتلرینه مشغول اولوردولار.


گوردویوموز کیمی آذربایجان آردیجیل بیر حالدا تورکلرین یوردو اولموش، خزرلر ایکینجی یوزایلین اورتالارینا قدر آذربایجاندا یاشاییب و سونرالار عربلرین باسقیسینا دؤزمه ییب ولگا قییلارینا گئدیرلر. آنجاق یئرلی آداملار یئرلرینی آتماییرلار. بابک ده بیر تورک قهرمانی اولاراق آذربایجاندا باش قالدیریب تجاوزلار، زوراکیلیقلار قارشیندا دایانیر. ۲۲۲ ایلینه قدر. تاریخ طبری، مجمل التواریخ، کتاب پیامبران و شاهان، جوامع الحکایات و لویح الروایات الکامل فی التاریخ ابن اثیر و باشقا قاینقلارا دایاناراق آذربایجان اهالیسی اسلام ظهوروندا تورکلردن اولموش و غزنه لی لردن قباقی سوبکی دولتی – تورک اولاراق ایرانین فارس ایالتلرینده قورولورو

غزنه لی لرین ساراییندا ۱ تورک سؤیله یین شاعرلریمیزین شعرلری بوگون الدهه دیر. سلجوقلار آذربایجانا گلدیکنده دیلداشلارییلا اوز اوزه گلیرلر. سلجوقلار خزر امپریاسی نین اساس قبیلله لریندن بیرى سایلیردی. اونلار همان زاماندا عمارت یاپمادا، مدنیت قورمادا تجروبه لر قازانمیشلار. أما ایران تاریخچى لری سلجوقلولاری مهاجر، گئری قالمیش تانیتدیرماغا چابالار گؤسته ریرلر. بیر حالدا کی سلجوق دؤوره سی اسلام و ایرانین قیزیل ایله یازیلان بیر تاریخی دؤوره سی دیر. تحریف لر بو زاماندا باشلانیر و تمام ۱۰۰۰ ایللیک تورک حکومتلرینی وحشی، گئری قالمیش و مهاجر گؤسته ریرلر. تمام درسی کتابلاردا دا بونو اوشاقلاریمیزین بئینینه سوخورلار. ۲۴ ساعتلیق اولاراق مدرسه لردن علاوه، رادیو – تلویزیون، مطبوعات و باشقا مئدیالار یولونان تورکلری پیسله مه یه چالیشیرلار. بوگون بیزلره تکلیفدیر بو شانتاژلار قارشیندا دایانیب، اؤز تاریخیمیزی، اؤز ادبی – فرهنگى وارلیغیمیزی گؤسته رک و بو زنگین وارلیغیمیزدان مودافیعه ائدک.


@Seljuk_Turk



ماکس مولر یهودی نظریه پرداز نژاد آریایی



ایران : نام کشور پهناور ایران قدیم و امروز، سرزمین گسترده و پهمن، محل کوچ و بار و بیلاقات و فشاقت، محل اتصال اقوام گوناگون، جایی که مردم مهمان نواز دارد، منطقه و ناحیه‌ی نیشابور (طبق نقشه‌ی پارس از دلیسه جغرافیلین مشیر فرانسه در سال ۱۷۲۴ م.) ایران نام قدیم ایرانشهر و ... این کلمه بر خلاف نظریه پردازان معاصر که آن را از کلمه‌ی آریا می‌دانند، کلمه‌ای ترکی است که هیچ ارتباطی با کلمه‌ی آریا ندارد؛ واقعیت امر این است که قومی در ایران به نام آریایی وجود نداشته و ندارد؛ چون در هیچیک از تاریخهای کهن ایران تا زمان قاجار نامی از قوم و سلسله‌ی آریا برده نشده است. ~~آریا~~ کلمه‌ی ائران (ēran، ایران، پهل. ترفش) یا ایران در ترکی به معنای : جایگاه و مکان گسترده و وسیع، سرزمین گسترده و خوب و مناسب، محل اتصال اقوام مختلف، حرکت کننده، جایگاه کوچ و بار کردن و به مقصد رسیدن، محل مناسب برای کوچ و بار و اترآگاه خوب، به هدف و مقصد رسیده، آگاه شده، آگاه و مطلع، عارف، نامی از نامهای دختران؛



گزارشات محرمانه وزارت خارجه بریتانیا

تنها قومی که از افشای اصالت خود در ایران می هراسد فارسی است..

□ گزارشات محرمانه وزارت خارجه #بریتانیا در تهران سال ۱۹۳۳م
محرمانه

از سر ویکتور مالت دیپلمات وزارت خارجه بریتانیا در تهران
به سر جان سیمون
تهران ۲۹ اکتبر ۱۹۳۳م

"برای یک فارس اینکه با او مثل یک #هندی رفتار کنیم توهین
مهلکی است، او از سیاه چردگی اجدادی خود و زباندری بودن خجل
و شرمسار است پس وانمود می کنیم که فارس غربی است و سعی
می کنیم بازی #دیپلماسی را طبق قوانین کنگره #وین انجام دهیم،
وانمود می کنیم خویشاوند #آریایی هستیم همچون کاری که
#هیتلر انجام داد"

منابع:

اسماعیل هادی، حاشیه بر زبانشناسی، چاپ آلتیندا.

۱. م. ازانسکی، مقدمه فقه اللغة ایرانی، ترجمه کریم کشاورز، انتشارات پیام، ۱۳۵۸.
- زهتابی، محمدتقی؛ ایران تورکلری نین اسکی تاریخی، جلد اول، تبریز، ۱۳۷۶.
- دیاکونوف، تاریخ ماد، دیاکونوف، ترجمه ی کریم کشاورز، انتشارات پیام تهران، ۱۳۵۷.
- کامرون، جرج، ایران در سپیده دم تاریخ. ترجمه حسن انوشه، تهران: علمی و فرهنگی، ۱۳۷۲.
- توین بی، آرنولد، تاریخ تمدن. ترجمه یعقوب آژند. تهران: مولی، ۱۳۶۶.
- گیرشمن، رومن، ایران از آغاز تا اسلام. ترجمه محمد معین، تهران: بنگاه ترجمه و نشر کتاب، ۱۳۵۵.
- اسکندری، ایرج، در تاریکی هزاره‌ها. به کوشش علی دهباشی. تهران: قطره، ۱۳۷۷.
- گروسه، رنه، امپراطوری صحرائوردان، ترجمه عبدالحسین میکده، انتشارات علمی و فرهنگی، ۱۳۸۷.
- رضا، عنایت الله، ایران و ترکان در روزگار ساسانیان، انتشارات علمی و فرهنگی، ۱۳۸۴.
- منصور رهبری، ۲۸۰۰ ایل اؤنجه یه عایید یازی نمونه سی، اولای لار غزئته سی، نمره ۲۰۳، ۲۰ نوامبر ۲۰۰۱.
- ب. اؤگل، تورک میفولوجیاسی، ج ۱، استانبول، ۲۰۰۶.
- رحیم رئیس نیار، آذربایجان در مسیر تاریخ، تبریز، انتشارات نیما، ۱۳۶۸.
- ادوین آرویدویج گرانتوفسکی؛ م. ا. داندامایو، تاریخ ایران از آغاز تا به امروز، ترجمه: کیخسرو کشاورزی، تهران، نشر مروارید، ۱۳۸۵.
- آذربایجان قیسا تاریخی، باکی ۱۹۹۸.
- آذربایجان تاریخی، آذربایجان نشریاتی، باکی، ۱۹۹۶.
- ویل دورانت، تاریخ تمدن، ج ۱، تهران، انتشارات علمی، ۱۳۷۸.
- م. کریمی، مقدمه ای بر تاریخ تحولات زبان ترکی آذری، زنجان، ۱۳۷۸.
- جعفر اوغلو، احمد؛ تورک دیلی تاریخی، باکو، ۱۹۷۴.
- حاجیف، توفیق؛ آذربایجان ادبی دیلی تاریخی، باکی، ۱۹۹۱.
- نور، رضا؛ تورک تاریخی، استانبول، ۱۹۲۵.

Hurri – Mitanni devleti, Tuncer BALKAYA, Ankara, 2009.

Dr Adil ALPMAN, Hurriler, İstanbul, 2004.

Serihzn TAMER, Ankara, 2010.

Ghrishman R. A., Propos du Tresor de Ziviye, - Jnes. Vol. 32. 1973.

Godard A. Le tresor de Ziviye, Haarlem, 1950.

Luckenbill D. Ancient records Assyria and Babylonia. Vol.2, Chicago, 1927.

Barnet R. Median art. – IR. An. Vol. 2, 1962.